



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

29 An quilibet error circa causam finalem, operationem reddat invalidam.

urn:nbn:de:hbz:466:1-39908

QUÆSTIO XXIX.

An quilibet error circa Causam finalē, operationem reddat invalidam.

C A S U S.

TITIVS Romam venturus, cum audisset, in quadam Domo habitare Fœminam, quæ aliàs illi fuerat occasio peccandi; voulit, per illam viam non transire. Postea verò, ab Amico cognouit, Fœminam illam, ibi verè tunc non habitare. Accidit tamen, ut post aliquot menses, habitare ibi cœperit; & Titius hoc resciens, dubitare cœperit; Num per illam viam transire posset, & an Votum teneret. Quæritur; An Votum fuerit validum, acteneat;

SUMMARIUM.

- 5 Aliquis error circa causam finalē Voti, illud non invalidat.
- 6 Satis est, vt causa motuā, tempore executionis subsistat.
- 7 Sicut in Voto, factō ad Filij sanitatem obtinendam.
- 8 Etiam in Dispensatione, satis est, ut causa subsistat, tempore concessionis
- 9 Vouentis intentio, est, se obligare pro tempore executionis.
- 10 Causa, existere potest tempore executionis, licet non existat tempore emissionis Voti.
- 11 Error circa causam, pro tempore executionis, reddit Votum invalidum.
- 12 Per Cause cessationem, Votum non extinguitur, sed suspenditur.

RATIONES DVBITANDI.

- 2 Quidam error circa causam finalē intrinsecam operationis, eam regulatiter reddat invalidam, quia tollit consensum, qui ad eius valorē necessariō requiritur; Adhuc tamen superstet

difficultas; an quilibet error circa causam finalē, tollat intentionem, ad operationis valorem, requisitam. Et eam quidem tollere videatur; sicque Titij Votum non tenere. Ita Navar.c.18.n.7 in fine. Molinat om. 2.d.272. Henrig. lib. 11. matr. c.14. Sylvestr v. Votum. 2. quest. 7. Angel.v. iuram. num. 35.

Primo; Quia, quando Titius Votum emisit, Fœmina non habitat in illâ domo; Titij autem intentio fuit, obligare sed ad non transiendum per illam viam, non absolute, sed solum conditionate & posito, quod Fœmina habitaret in illâ domo. Cum ergo Fœmina ibi non habitaret, quando Titius Votum emisit, consequenter Titius intentionem non habuit simpliciter se obligandi, sicque, ex defensione conditionis, ac consensus? Votum non fuit validum.

Secundo: Quia errore circa causam finalē Voti, reddit Votum in voluntarium, & consequenter nullum, Titius autem Votum emisit, ex errore circa causam finalē; illud enim emisit ad vitandum peccan-



peccandi periculum, imminens ex habitacione Fœmina in tali domo; quod periculum verè non imminebat, dum Votum emisit, cum Fœmina ibi tunc non habitaret. Cum ergo Titius Votum emiserit, ex errore causæ finalis, consequenter Votum fuit inuoluntarium, ac nullum.

RESOLVTIO.

Respondetur tamen; Titium, teneri, per illam viam non transire, & Votum ab eo emissum, fuisse validum. *Sancb.lib. 4. sum. cap. 2. num. 45. & lib. 10. matr. d. 9. num. 16. Suar. tom. 2. de relig. lib. 4. de Voto c. 19. num. 5. Azor. tom. 1. lib. 11. cap. 15. quæst. 13. & alij apud istos.*

6 Primo: Quia ad hoc, ut Votum, ex errore causæ finalis emissum, non sit validum, nec obliget, non sufficit, quod tempore emissionis Voti, causa non subsistat; sed necesse est, ut non subsistat, eo tempore, quo Votum est exequendum; Si enim tunc subsistat, jam res per Votum promissa, tunc est vtilis ad finem illum obtinendum; Vouens autem, dum vovet, intendit se obligare ad rem promissam ponendam, si tempore, quo est ponenda, ad finem intentum consequendum sit vtilis; non verò, si sit vtilis tempore, quo Votum emittitur; Quod enim tunc sit vtilis, vel inutilis, parum refert, dummodo sit vtilis tempore, quo positur; ad hoc enim ponitur, ut per eam finis obtineatur.

7 Secundò: Quia, si quis audiens ab Amico, Filium suum esse in extremo vita periculo constitutum, ad eius sanitatem obtinendam, voleat peregrinationem laueretanam post tres menses ponendam; licet tunc, quando vovit, Filius in eo periculo constitutus non esset, si tamen tempore, ad Votie executionem præfixo, Filius

in eo periculo existeret, Votum teneret; Quia pro eo tempore, causa finalis Voti existeret; ideoque peregrinatio esset tunc medium, ad sanitatem Filio obtinendam vtile. Hoc autem solam requiritur, ex intentione Vouentis, ut Votum obliget.

Tertiò: Quia, dum Romam mittitur pro dispensatione aliquà obtinendà; quamvis falsa causa expressa, vitiet dispensationem; Si tamen causa, sit falsa solum eo tempore, quo ad dispensationem obtinendam, Romam mittitur; sed sit vera tempore, quo Pontifex dispensationem concedit, valeat dispensatio, quia ad valorem dispensationis attenditur solum tempus concessionis, & non aliud. Sed etiam, ad Voti valorem, attenditur solum tempus executionis, & non aliud. Ergo, quamvis causa finalis falsa Votum vitiet, si tamen causa est falsa solum tempore, quo Votum emittitur, sed non tempore, quo Votum est exequendum, valebit Votum.

OBJECTIONVM SOLVTIO.

Ad rationes autem in contrarium respondetur; Ad primam; Titij intentionem fuisse, obligare se ad non transiendum per illam viam, posito quod Fœmina ibi habitaret, non eo tempore, quo Votum emisit, sed eo tempore, quo transiendum illi erat per illam viam, quia pro eo tempore, abstinentia à transitu per illam viam, erat medium vtile ad peccatum vitandum; tempore autem, quo Titius per illam viam transire poterat, iam Fœmina habitabat in illa domo.

Ad secundam, Respondetur; Errorem circa causam finalē Voti vitiare Votum, si detur tunc, cum Votum est exequendum: quia, deficiente fine, media tunc ad illum sunt inutilia. At,

fi



si detur solum, dum Votum emittitur, non sufficere ad Votum irritandum; quia, cum eo errore, dari potest causa finalis, tempore executionis, sicut res per Votum promissa, esse medium vnde ad eum finem consequendum. Hoc autem sufficit, ut Votum vim habeat obligandi; non enim spectatur tempus emissionis, sed tempus executionis; sicut, in dispensatione, requiritur veritas causæ, non tempore petitionis, sed tempore concessionis.

COROLLARIA.

- 1 Colligitur ex dictis primò; Quando tempore Voti executioni præfixo, Causa finalis non subsistit, Votum tunc esse inualidum; posito autem, quod semel sit inualidum, semper est inualidum, etiam si postea superueniat causa finalis. Sicut, si semel, tempore, quo Pontifex dispensationem concessit, causa erat falsa, etiam si postea cesseret falsitas causæ, non propterea si valida dispensatio; quia, quod ab initio fuit inualidum, tractu temporis conualidari non potest.
- 2 Secundò: Quando, tempore executionis Voti, causa finalis vere subsistit, & consequenter Votum est validum; Quamvis postea, eadem causa cesseret, non propterea Votum omnino extingui, sed
- solum suspendi; ideoque, redeunte causâ finali, etiam Voti obligationem redire. Tum quia, alioqui, si quis, dum est sanus, voleat, singulis sex-tis ferijs, ieiunare in pane, & aqua, Et postea efficiatur infirmus, ac malæ valetudinis, ita ut à ieiunio excusat. Si deinde ad pristinam redeat sanitatem, dictum ieiunium seruare amplius non tenebitur; Hoc autem est contra communem sensum Fidelium. Tum quia Votum semel validum, per materiæ mutationem de bona in mala, vel de possibili in impossibilem, aut maius bonum impudentem, non extinguitur, sed suspenditur, si mutatio illa, sit tantum temporalis, & non perpetua. Ergo etiam suspendetur solum, si cessatio causa finalis, sit tantum temporalis, & non perpetua. Unde qui voulit, non transire per aliquam viam, eo quod ibi habet Mulier, qua illi est occasio peccandi; si illa domicilium mutet, illac transire poterit. At, si ea Mulier ibi postea iterum habitare incipiat, ad Votum tenebitur; quia, per cessationem temporalem causæ finalis, Votum fuit tantum suspensum, non extinctum; sicut suspenditur tantum, & non extinguitur, per mutationem temporalem materiæ.
Suarez tom. 2. de relig. tradi. de Voto l. 4. c. 19. num. 5.

